

世

孝  
義  
傳  
一  
卷



八旗通志初集卷之二百三十八

孝義傳

國家創業東方風氣淳古渾渾噩噩比於三五之  
盛人敦實行不務榮名忠孝節義視為當然至  
於子弟至性卓然可以追古篤行之士者未嘗  
震而矜之謂可以表當時傳後世也順治九年

十一月甲申

詔諸王宗室內有孝友義順者聽宗人府核實具奏禮  
部即行照例旌表十年五月定旌表宗室節孝例康



熙三十七年十二月戊午。

聖祖仁皇帝特諭大學士等言興起教化鼓舞品行必以孝道爲先節婦應加旌表孝子尤宜褒獎八旗中豈無孝子乎其居官殷實者行孝乃分內事耳貧人克盡孝道誠爲非易如有身處貧寒能盡孝於父母者察明奏聞

聖諭諄切如此然八旗大臣比戶而稽莫不歆然退讓其宗室長老亦以爲人子庸行未敢舉以應詔蓋風俗之淳猶東方也

世宗憲皇帝登極雍正元年

恩詔言旌表節義給銀建坊民間往往視爲具文未嘗建立恐日久仍至泯沒不能使民間有所觀感著於地方公所設立祠宇將前後忠孝節義之人俱標姓氏於其中已故者則設牌面於祠中祭祀用以闡幽光而垂永久著該部議奏

殊恩曠典千載而一時者也尋經禮臣議覆言八旗分左右翼擇地各建二祠一爲忠義孝悌之祠立石碑一通將前後忠義孝悌之人刊刻姓氏於

其上已故者立牌位於祠中一為節孝之祠門外建大方一座將前後節孝婦女標題姓氏於其上已故者設牌位於祠中每年春秋二次致祭交與宛大二縣其建立祠宇牌坊交與工部營造臣部於每年二月內將前一歲八旗送到孝行節義彙疏題請

旌表以後永為定例其建坊銀兩嗣后應行停給即

日奉

旨。孝行節義建立牌坊年久毀壞遂致湮沒今欲設立

祠宇特為昭垂久遠之意並非欲節省錢糧部議建立祠宇停給建坊銀兩不合建坊銀兩仍著給以依議蓋

聖意之加恩於忠孝節義者深厚如此然八旗人士歛然退讓如昔節烈婦女舉報甚多而舉孝子者僅三數人今敬稽

實錄所載及各旗冊籍附見孝子義士採錄十數人備存梗概作孝義傳

孝義傳

達拜

和爾渾

夏穆善

沙木哈

范成譜

甘國城

陳汝器

鄂素

翁杜

佟良

鍾保

色爾岱

克什布

舒蘭

達拜滿洲鑲白旗人。姓郭爾羅斯氏。世居沾河地方。年十二。

太宗文皇帝選取隨侍肅親王豪格。王年亦幼。達拜所夕不離。比王年長。分封。令達拜掌王府錢穀事。

太宗復取回任用。屢試以事。五年復遣詣王府。又遣索尼巴克式。

諭王曰。達拜忠慎。爾其信任之。順治三年。肅親王往征四川。達拜從行有功。四年。破張獻忠等賊。凱還。時睿王攝政。惡肅親王不附己。誣致其罪。幽禁。

之。王府舊時護衛人員俱不敢近。惟達拜不避相害。日往伺候。具飲食。親送至禁所。王性不喜穀食。達拜令親<sup>妻</sup>手治具。烹魚縷切。如王素所嗜。而後進。詢門者。王飲食如常。歸即欣喜。如云。王憂懼。飲食減少。歸即涕泣。憤悶。閉目。終日不言。語不飲食。至五年。王薨。達拜哭泣盡哀。助王府備衣棺。治喪事。既葬。踰月。達拜上月墳。訖。叩辭。王二子歸。即自經。以殉。睿王聞之大怒。下令暴其屍。執其家人。踰數日。莫能殯斂。義烈之氣。路

人皆為哀感。順治七年。

世祖章皇帝親政。肅親王寬得白。達拜之父。朱馬海携二孫。噶爾哈圖。杭藹。以達拜殉義事。叩

闕。第四日。傳至吏部奉

特旨云。察例。以身殉王。無給官職之例。但達拜當伊王獲罪之時。不顧利害。死生。以身從之。甚屬可憫。可照殉

太宗皇帝大臣例。給與三等阿達哈哈番。著伊長子噶爾哈圖承襲。世世罔替。又

勅附葬肅親王墳園以旌其義先是達拜之兄敦達禮

於

太宗文皇帝賓天時以死從殉特給世職故

世祖用其例推恩達拜八旗人士亦傳誦其兄弟忠義

並堪不朽云

和爾渾者亦滿洲鑲白旗人性忠義不避利害

自少小時即與達拜友善達拜以肅親王寃死

發憤從殉忤睿王暴其屍又盡收其妻子下詔

獄加嚴刑達拜屍暴露數日僅覆以席親黨環

視哀悼而已莫敢收斂和爾渾獨憤然直前竊

負其屍手為包裹藏於荒廟達拜妻子得釋始

就廟中得全屍以葬和爾渾之義烈亦與達拜

並稱於時云

夏穆善滿洲正紅旗人原任盛京將軍葉克書

次子初為噶布什賢轄有勇好義崇德三年從

征明至山東與碩翁科洛巴圖魯敗吳總鎮兵

五年從征明圍錦州與布丹敗明杏山兵七年

圍錦州又與沙爾呼達敗明經畧洪承疇三營

兵比洪承疇兵與右翼戰。又同布丹敗之。武英  
郡王阿濟格駐扎杏山。遣夏穆善往寧遠探捉  
間諜。歸至烏喇峯前。有寧遠兵六百人來追。即  
與鄂碩同擊敗之。順治元年。隨睿王多爾滾入  
山海關。追流賊於安肅慶都。並有功。十一月。從  
豫親王多鐸南征。與布丹五敗流寇於潼關。二  
年五月。隨豫親王克南京。有敵兵來攻江寧府  
橋。即與富喀擊敗其衆。時明福王已遁。隨圖賴  
等往跡之。遇賊兵。即同科爾坤敗之。三年二月。

隨征南大將軍貝勒博洛往定福建。有偽副將  
守白楓嶺。與敦多敗其衆。過嶺。與和託敗偽帥  
吳愷兵。遂與巴音岱進兵。司西鋪。至渡口。敗其  
守兵。捉生逐哨。斬五十五人。生得三人。論功授  
半個前程。三遇。

恩詔累加。至三等阿達哈哈番。九年三月。多羅順承郡  
王勒克德渾薨逝。夏穆善以係本旗之王。恩遇  
素厚。遂慷慨從死。禮部以聞。奉

旨。這殉死可嘉。著給與拖沙喇哈番。後不為例。於是



三等阿達哈哈番。加為二等阿達哈哈番。以弟  
五子翔格。色承襲。仍

予卹如典禮。人服其好義。咸稱為從前未有云。

沙木哈。滿洲鑲白旗人。性孝友。康熙三年春正  
月。沙木哈為弟三泰毆傷瀕死。本旗執其弟送  
刑部。沙木哈自念同胞。止有一弟。倘身死。弟又  
抵罪。無人守先墓。撫諸孤。令其妻哈里克言於  
官。活三泰之命。比沙木哈死。哈里克遵遺言。叩  
闕求賞。三泰罪得

旨。從所請。免其弟死。哈里克仍自盡。以殉夫。事聞。部議  
旌表。奉

旨。命禮部立牌墓上。書其事於石。夫婦孝義。八旗並傳  
頌焉。

范承譜。漢軍鑲黃旗人。幼讀書。知忠孝大義。康  
熙十二年。從族兄福建總督承謨赴任。助理政  
務。明年。鎮守福建靖南王耿精忠。假公事誘執  
承謨。據福建反。以承譜等數人在幕中任事。併  
執之。勒令降。不屈。拘幽三載。十五年。康親王傑

書統兵入閩。精忠官承謨。併官承譜等。四十七年。承謨子廣東巡撫時崇。疏奏承謨等仗義死事。言臣父殉難時。相隨殉難者共五十三人。內有生員嵇永仁。王龍光。儒士沈天成。族叔范承譜。伊等同。臣父被逆幽囚三載。矢死不屈。守節盡忠。仰祈

特沛恩綸。

予以一命之榮。入於臣父祠堂。得邀陪祀之典等語。禮部議覆。言十七年浙江巡撫陳秉直。因游擊魏

萬侯之子生員魏棟。與伊父同時殉難。題請

賜卹。吏部等衙門議覆。生員殉難者無

恩卹之例。將生員魏棟酌量贈國子監助教。加贈官

員例。應撰給

勅命。移送內閣。撰擬給發在案。今生員嵇永仁。王龍

光。照例追贈國子監助教。其沈天成。范承譜俱

係白身。雖無追贈之例。但伊等遭逆不屈。與范

承謨同時殉難。應將沈天成。范承譜酌量追贈

國子監學正。俱照例送內閣撰給。

勅命其祿永仁等四人應如巡撫范時崇之請准入  
范承謨祠堂陪祀俟

命下之日遵行尋奉

俞旨令范承譜等四人並設主從祀承謨祠

甘國城漢軍正藍旗人原任雲貴總督文焜第  
四子也性至孝知大義初補國學生文焜由直  
隸巡撫陞雲貴總督丁內艱歸葬請終制不許  
復赴任間閱南北馳驅萬里諸子分仕四方惟  
國城相依隨行跬步不忍離文焜起復赴任僅

兩月而吳三桂據雲南反貴州兵將俱已受三  
桂賄餌全城從逆文焜縊其眷屬七人率國城  
及二筆帖式馳赴鎮遠府欲用鎮遠城守兵搃  
油榨關以拒三桂而守將江義又已降賊文焜

知事不可為遂至吉祥寺自刎以殉國城哭泣  
具棺斂訖即自經於父柩之旁二筆帖式亦從  
死焉二筆帖式一名雅圖滿洲鑲黃旗人給拖  
沙喇哈番世職一名何善亦滿洲人旗分未詳  
後貴州巡撫閻興邦請於

朝建祠祀文規

賜祠名勁節。黔人議以國城及二筆帖式從祀。祠未及

上聞云

陳汝器。漢軍鑲紅旗人。生而至孝。父啟泰任福建巡海道。康熙十三年。耿精忠叛。啟泰全家殉難。汝器赴漳州扶櫬。被海賊劫掠。下海。幽囚。兩載不屈。乘間冒險逃歸。颶風毒霧。出沒波濤。竟以其父襯還家。

聖祖仁皇帝嘉其父子忠義。優贈。啟泰工部右侍郎。謚

忠毅。

予祭葬如例。汝器以通政司左右通政大理寺少卿用。

二十年十一月。補右通政。尋陞左。二十二年二

月。陞右僉都御史。過事陳奏侃侃。二十三年。陞

太僕寺卿。二十七年五月。陞大理寺卿。三十三年

十一月。陞刑部侍郎。三十五年。巡撫安徽等

處。三十七年。罷歸。四十年。任佐領。雍正四年。以

老乞休。尋卒。

鄂素字紹德。一字位公。姓完顏氏。滿洲鑲黃旗人。父阿什坦。見儒林傳。鄂素生而孝友。三歲時。乳母持餼與之。不肯遽食。曰。待兄來。當共食之。侍父母側。命之坐。不肯遽坐。曰。兄尚未坐。與兄。赫世亨和素同居四十年。未嘗有不豫之色。母卒時。甫七歲。即擗踊悲號。幾於滅性。及見父。則抑哀承顏。昏定晨省。惓惓不倦。有事他出。必依憲親側。久之。乃行。兩事繼母。從未失口。稱一繼字。繼母亦撫愛特甚。父母寢疾。親奉湯藥。禱天祈壽。衣帶不解。面垢不盥。父沒。哀毀瘠羸。杖而後能起。力疾治喪。又與兄和素謀。曰。父母之恩。昊天罔極。按禮。士大夫皆有家廟。今必為父母立祠堂。朝夕瞻拜。庶幾事亡如存。於是鳩工構堂於居室之東。朔望奠祭。歲時蒸嘗。必誠必敬。兄偶外出。寢食懷思。遣人問起居。計資斧。度僕馬。約歸期。絡繹不絕。及歸相見。則喜溢顏色。居常得一食。必使人饋之二兄。然後食。或得帛。將製衣。必先為二兄製。然後衣。居官二十載。無私

財無私蓄焉。次妹再繼母出也。于歸有期。因商之。兄曰。母在。資奩猶可斟酌。今惟吾兄弟是依。若少不備。何以自安。於是罄已所有。悉以資之。家庭間。藹然以和。又肅然有則。僕婢數十口。未嘗怒詈鞭笞。皆翕然不忍負儼。然不敢犯待族黨。少長有序。相聯以親睦。婚喪拮据。必周其艱。難行李往來。必濟其匱乏。不遺餘力。乃已。待朋友亦然。性嗜詩書。善騎射。公退。手不釋卷。時出遊。則馳射破的。以為娛。留心經史。見一嘉言善

行。是則是。傲嘗語兄。和素曰。吾人讀書。貴乎身體。而力行。不徒慕淹雅之譽。至於文辭。要在意達。理暢。不可馳騫靡麗之工。兄弟時時促膝聚談。公署所行。互相咨訪。是非利弊。折衷歸一。論賢否。析理欲。輒至。繼膏吏僕。康熙二十年。奉

命。看管。謄錄通鑑等書。謂諸生曰。爾等徒抄寫而不識之於心。豈不虛曠此日。因令其每暮歸時。俾各述所錄之書。不能者有罰。因之名。知刻勵學問。多有進者。弱冠時。為內務府筆帖式。有呈狀者。

應筆帖式取供辭達情盡虛實昭然總管深異之遂委為筆帖式長十六年授總管內務府主事政務清理十八年陞慎刑司員外郎聽訟務得其情人稱為白面包公二十年遷奉司郎中

聖祖仁皇帝特旨云朕用人不拘資俸淺深因爾勤敏特擢斯職二十二年又奉

特旨兼管佐領先是京師舊俗喪家棺衣與具皆出租賃無賴小人分占坊巷勒索百端貧者傾家莫辦因捐資製造為本佐領喪家公用且立一義會糾約所屬勿分貴賤但遇有喪之家每人出銀一錢相助謂捐者微則人易為力所湊者多則其事易集是後貧家之喪不苦於殯斂至今便之二十二年奉

命管看謄錄

太皇太后御覽書籍告成賞銀五十兩又奉

特旨鄂素賢能著聞着同侍郎等修濬下河二十八年

重修大清律例部臣請簡才能官纂修

聖祖特旨慎刑司郎中鄂素文理既通又練達事體著

同部員纂修二十九年授掌印郎中旋奉差督理通  
惠河漕運街道抽分倉廩兼理永平密雲紅號  
等事到任即咨工部免徵三十七州縣稅課一  
日忽心動曰吾兄病矣自滦州關一晝夜馳還  
沿途祈禱願減算與兄誓茹素三年至家兄果  
病且困喜見其至豁然甦病亦漸輕然親視湯  
藥寢食不離者兩月餘兄疾痊始之任三十一  
年卧病猶茹素  
聖祖聞之遣醫診視且著來京攝養及病篤又增遣良

醫調理并令其入

宮長女出視既卒

聖祖惋惜者久之

特降諭旨卽中鄂素病卒於官深為可憫著護柩入城

歸第比喪旋時解中胥吏河上役夫與通州商民咸

悲慟如喪所親年四十一歲子留保辛丑進士

現任通政使兼詹事署理翰林院掌院學士事

翁杜滿洲鑲白旗人副都統圖克善之次子也

性篤孝康熙四十二年八月圖克善病服藥不



能愈翁杜年甫十八日夕徬徨聞古有割股愈親疾者遂於密室割左臂肉和藥以進父病旋愈闔旗稱為孝子五十二年翰林院奉

旨修滿洲氏族大全本旗都統以翁杜割股事造入冊內移送書局焉

佟良蒙古鑲黃旗人事親以孝稱其母於康熙四十九年五月得病醫治不愈佟良遂於庭中焚香叩拜默為禱祝潛入已室將左臂肉割取一片託言祭肉奉母食之其母於第三日病愈

又伊二兄烏綳額患吐血病甚篤佟良往東嶽廟祈禱於右臂燃燈七盞焚香禱神願減己算移與伊兄自是兄疾亦愈佟良後任天津州防禦割股燃臂雖未合於正理其孝友之誠亦可

嘉馬

鍾保滿洲鑲黃旗人幼時即以孝稱父母訓誨語必敬守無違出必告反必面每事先意承志父希普以步軍校從征逆藩吳三桂有功比績俸將得遷轉鍾保念父年老力勸請休家居就

養所夕不少違。前母所出兄析居蕩產先卒。鍾保撫其孤。俾同居教育。婚娶祖遺田宅。悉推與之。康熙三十九年。由官學生補刑部筆帖式。累遷本部員外郎。調內務府。旋任倉場監督。任滿陞刑部郎中。五十三年。父沒。居喪哀慟。水漿不入口者三日。或戒以母在不當致毀。始節哀事母尤謹。每公退歸。必依依母側。夜歸亦必於窓外候母動息。安而後歸。寢母有弟二人。貧苦。鍾保體母志。竭力周之。年四十餘。孺慕不少改。雍

正二年

恩詔命天下舉孝子順孫。本旗公舉鍾保應。詔事下禮部議。覆給銀三十兩。建坊旌門。奉旨依議。尋奉

特旨授甘肅按察使。遷布政使。緣事罷歸。復起官湖北布政。陞湖南巡撫。調任湖北。今現任工部侍郎。覺羅色爾岱。滿洲鑲紅旗人。

景祖翼皇帝長兄之七世孫也。性篤孝。年十七歲時。父病不脫衣帶侍養。日久醫藥無效。病漸危急。色

爾岱夜深獨至庭中飲泣禱天願以身代取利刃剖左臂肉為湯以進疾乃少間父沒後事寡母益孝謹母病飲食減少則已亦節飲食或病不能飲食則已亦不飲食母疾愈飲食復初然後已亦飲食族黨嘆羨咸以為難雍正元年

恩詔令天下舉忠孝節義之人色爾岱時以官學生任緞疋庫庫使於是從兄翰林院庶吉士覺羅恩壽戶部員外郎覺羅栢修等率同宗族公舉色爾岱孝行以應

詔旨下禮部議給銀三十兩建坊

旌其家色爾岱辦事精明而誠篤六年授銀庫主事仍兼管緞疋庫事時

國家承平日久府庫充實緞疋多朽蝨前後司庫者交代盤查約畧檢點而已莫能稽其細數或架滿無疋閣之所則委積於地色爾岱謂

國用所關理宜清核請於總理三庫王大臣分別新舊朽蝨為三等三月而畢教目井然自是前後官可以按數交代不致侵蝕其委積在地者

色爾岱復捐已所應得公費飯銀約二千兩。造架盛閣煥然一新。王大臣等奇其才守。共保薦之。屢加遷擢。今任銀庫掌印郎中。

克什布滿洲鑲紅旗包衣人。任三等待衛。事親至孝。母病危篤。醫者言不可起。克什布遂於夜靜時。高密室。剖臂肉。熟而進之。母病頓愈。宗族稱其孝。雍正二年。

詔舉節孝。本旗以克什布孝行。咨部。奏聞。准建坊旌表。給坊銀三十兩。如例。

舒蘭滿洲正紅旗人。居家孝友。父敦多禮。任刑部侍郎。緣事革職。奉

旨。發往黑龍江。在拖沙拉哈。番品級。上効力行走。時舒蘭任戶部筆帖式。即具呈辭職。言父有罪。遠去數千里之外。人子豈忍不隨之同去。尚書等以非例。不允。舒蘭哀懇不已。始憫其孝思。據情

上聞。准隨父之黑龍江。八年。

聖祖仁皇帝特降恩旨。敦多禮。今已年老。著回京。於是隨父歸。復補理藩院筆帖式。昏定晨省。無間朝。

夕宗族鄉黨無不稱為至孝

聖祖仁皇帝屢向大臣拉錫等稱其孝行有聞得舒蘭  
甚孝之

旨平居在族黨敬長慈幼人人以為矜式尋陞理藩院  
主事康熙三十五年七月大兵破噶爾丹

聖祖降勅書於策妄阿喇布坦

特命舒蘭馳驛賫至西寧付回回酋長喀錫色勒葉大  
魁啟德等轉送事畢還朝是年九月

聖祖以噶爾丹尚存活將再行

親征舒蘭復隨

駕往寧夏三十七年四月隨大學士馬齊都統吳達禪

滿丕等往與喀爾喀立盟三十八年四月初三  
日隨都統吳達禪護軍統領車克楚往收巴爾

虎是年閏七月復同都統吳達禪滿丕分派巴

爾虎旗分佐領九月十六日巴爾虎佐領額克

圖率合佐領下人將副使阿必達驍騎校班迪

暨牧馬人共十一人殺死又將

御馬羣八百餘匹牧馬人私馬四百餘匹駝三十

餘匹驅之而逃。

特旨命舒蘭馳驛急往取一的信候往追之散秩大臣諾爾布兵回再來覆旨舒蘭即於是月二十日起程二十二日至鑲黃旗察哈爾所居蘇木哈達地方猶恐候諾爾布等回遲延時日先遣察哈爾撥什庫翁我代等六人分三路前往迎探二十

六日翁我代等至云至薩穆諾渾奴魯等處探總無回兵之信且未曾遇一人舒蘭念天寒草枯追兵深入馬皆疲瘦若候其回定延時日乃一面遣撥什庫將此情由

奏明自率諳察哈爾路徑者四人即於二十七日起程循回兵之路迎候取信直出邊外至喀爾喀王查兒貝勒之祖母博迪蘇克喀屯所居必爾呵呼地方始遇散秩大臣諾爾布叩其的音是夜遂曉諭鄂爾坤圖拉伯兒扯兒色稜額左近所居蘇克金僧格貝勒等八旗鄂濃巴爾集地方所居扎薩克台吉羅卜臧厄爾德尼等言巴爾虎塔克圖等員

皇上之恩殺察哈爾官兵偷盜

御馬而逃。若至汝等地方。不拘那一旗。即執而斬之。或匿居何處。急速報部。遂書此諭於押印空紙上。附於博迪蘇克喀屯之長史官杜立馬命。其遣能人從間道。超過巴爾虎。特至查薩克。令其互相傳遞。務必於巴爾虎未到之先。到彼傳諭。分派已完。回京奏

聞即奉

旨。吳達禪喀瓦爾達率兵往追。著舒蘭馳驛先至左翼四旗。派察哈爾官兵二百人。厄魯特善放鳥鎗者八十人。等候吳達禪等。此處我另派新滿洲侍衛二十人。前往舒蘭奏言。臣往派察哈爾兵訖。候大人等到。願隨大人等一同出征。

聖祖許之。舒蘭隨大人等出征。未至其處。公西布退哈

坦巴圖魯等八旗。已遵從前舒蘭曉諭。劄付於巴爾虎未至之先。各處整兵預備。巴爾虎至其地。次日衆扎薩克兵并至圍繞。執為首者斬之。遣撥什庫色德來奏。

聖祖大喜特陞撥什庫色德為理藩院主事。又封公西布退哈坦為貝子。舒蘭亦陞內閣侍讀。四十三年四月奉

命同乾清門侍衛拉錫往窮黃河之源。七月始還。奏言臣等奉使巡察黃河發源處。於康熙四十三年

四月初三日奉

訓旨言黃河之源雖名古兒班索而麻其實發源處從無人到。爾等務須窮源。明白察視。其河流於雪山自何處流入雪山邊內。凡經流等處。宜詳閱之。若至其

地瘴氣甚厲。可進則進。不可則止。不必泥旨強進。臣等欽此。欽遵。於康熙四十三年四月初四日自京起程。五月十三日至呼呼諾兒地方。有大澤。其水色深碧。中央水高。澤之西岸有石山一土山三。東西較寬。南北少窄。澤周圍六百餘里。產魚二種。身圓而無鱗。腹寬。頭尾尖削。其色黃。其口齊。身有黑點。自二三寸至四五尺長。不等。口小者。蒙古名為那胡。口大者名為布哈。十四日。至貝勒色卜騰札兒所居地。名呼呼卜拉克。十



五日居其地。十六日貝勒色卜騰札兒同臣等起程。六月初七日至星宿海之東。有澤名鄂陵。周圍二百餘里。初八日至鄂陵之西。又有澤名札陵。亦周圍三百里。鄂陵之西。札陵之東。相隔三十里。此二澤亦產那胡布哈等魚。初九日至星宿海。蒙古名鄂敦塔拉。擇山之至高者。登而視之。觀星宿海之源。小泉萬億。不可勝數。周圍羣山。蒙古名為庫兒棍。即崑崙也。南有高山名古兒班吐。而哈西南高山名布胡珠。而黑西有高山名巴而布哈。北有高山名阿克塔陰齊奇。東北高山名烏闌杜石。古兒班吐而哈諸泉。西番國名為噶爾馬塘。巴而布哈山諸泉。名為噶爾馬淙。穆郎阿克塔陰齊奇山諸泉。名為噶爾馬沁尼。三山之泉。流出三支河。即古兒班索而嘛也。三河往東。順流入於札陵。自札陵一支流入鄂陵。自鄂陵流出之河。乃黃河也。除此而他山之泉。與平地之泉。流出為小河者。不可勝數。盡歸黃河。朝東而下。自呼呼諾兒雪山。以至於

星宿海。一路產野牛、野驢、豹、猞猁、獾、牝牡盤羊、鹿、麋、小黃羊、火狐、沙狐、羆、羊香、獐、獺、兔、獾子等獸。臣等自星宿海於六月十一日回程，欲看冰山之形，并黃河向何方流去等處，故離原去之路，向東南行二日，登哈而給山，見黃河往東而流，至呼呼托羅海山，又向南流，繞撒除克山之南，又北流至巴而托羅海山之南流去。第二日至冰山之西，但見其山最高，雲霧蔽之。蒙古言此山長三百餘里，九高峰，自古至今未有見冰消者。終日雲霧，常雨雪，一月之中得晴三四日而已。自此回行十六日至席拉庫特爾之地，尋看黃河流入雪山邊內之處，又向南行，過僧庫里高嶺，行百餘里，又至黃河岸，見黃河自巴而托羅海山向東北流於歸德堡之北邊。哈山之南從兩山峽中流入蘭州。臣等謹將黃河發源山川之圖恭呈

御覽。自京至星宿海共七千六百餘里，寧夏之西由松山至星宿海，天氣漸低，地勢漸高，人氣閉塞，故

多喘息。非瘴氣也。是年陞侍讀學士。十二月奉命往封西海地方。王貝勒等陞內閣學士。十四年七月。鄂羅斯初次從喀爾喀路逕來貢。併請互市。特旨命舒蘭至鄂羅斯邊界經理。止許二百人來京。其餘皆留於邊界。鄂羅斯來者七百餘人。舒蘭率其二百人進京。至今為例。四十五年十二月。奉使西域。封喇藏為汗。并捉拿偽達賴喇嘛。因受西藏瘴氣。得病乞休。居家養病七年。病漸愈。五十二年。

特旨復起用內閣學士兼禮部侍郎。是年冬復兼光祿寺卿。十二月陞工部侍郎。在內閣學士任內。遇聖祖萬壽。覃恩得廕一子。以族子名巴郎阿者。人頗誠篤。而家貧親老。即以

恩廕予之。人以為難。五十九年卒。年六十八。子三人。次子塞爾登。中辛卯科舉人。





